

U skladu sa odredbama čl. 18. Zakona o udruženjima i fondacijama (Službene novine Federacije Bosne i Hercegovine, br. 45/02 od 20. septembra/rujna 2002. godine) i čl. 9. i 10. Statuta „Udruženja Agencija lokalne demokratije“ iz Mostara – LDA usvojenog na Osnivačkoj skupštini Udruženja od 3. februara/veljače 2005. godine (Broj: 1-02/2005), Skupština Udruženja je na sjednici održanoj 02. juna/lipnja 2021. godine donijela izmjene i dopune Statuta, te je usvojen je i objavljen

STATUT

Udruženja

„Udruženje Agencija lokalne demokratije“ iz Mostara – LDA

(prečišćeni tekst)

1. CILJEVI

Član 1.

Udruženje „Agencija lokalne demokratije“ iz Mostara u daljnjem tekstu („Udruženje“) je neprofitna organizacija, finansirana sa ciljem promovisanja osnovnih demokratskih vrijednosti kao što su:

- poštivanje zakona,
- zaštita ljudskih prava i sloboda,
- zaštita prava manjina,
- podrška procesu demokratizacije,
- socio-ekonomski razvoj,
- multikulturalizam,
- evropske integracije,
- decentralizacija, reorganizacija i lokalni razvoj.

2. AKTIVNOSTI

Član 2.

U cilju postizanja gore pomenutih ciljeva Udruženje će poduzeti sljedeće aktivnosti:

- Organizovanje seminara, okruglih stolova i konferencija, alternativnih i neformalnih oblika edukacija i treninga;
- Planiranje i organizovanje procesa edukacija i istraživanja;
- Prijevod i izdavanje brošura, publikacija i knjiga u skladu sa zakonom;
- Iniciranje i realizovanje domaće i međunarodne stručne i kulturalne saradnje, sa posebnim akcentom na saradnju među gradovima i općinama;
- Pružanje savjetodavnih usluga na području djelovanja Udruženja;

- Organizovanje i realizacija kampanja i drugih medijskih i javnih promocija;
- Promotivne aktivnosti Udruženja na polju kulture (organizacija izložbi, koncerata, promocija knjiga, publikacija i promocija poezije)
- Implementiranje programa dodjele školskih stipendija

Pomenute aktivnosti Udruženje realizira u sljedećim oblastima koje na ovom mjestu nisu isključivo pobrojane:

- Demokratija
- Zaštita i promoviranje ljudskih prava
- Europske integracije
- Ekonomija i održivi razvoj
- Migracije
- Ekologija
- Omladinski rad
- Kultura i umjetnost
- Turizam
- Neformalno obrazovanje

3. NAZIV, SJEDIŠTE I PEČAT UDRUŽENJA

Član 3.

Naziv Udruženja je: "Udruženje Agencija lokalne demokratije" iz Mostara.

Naziv udruženja na engleskom jeziku: „Local Democracy Agency“

Skraćeni naziv udruženja: "LDA" iz Mostara

Sjedište Udruženja je u Mostaru, Ulica Fra Ambre Miletića 30.

Aktivnosti Udruženja se provode i udruženje djeluje na području Hercegovačko-neretvanskog kantona/županije.

Udruženje ima okrugli pečat sa punim imenom Udruženja na službenom i engleskom jeziku i sjedište Udruženja.

Član 4.

Udruženje može osnovati svoju kancelariju i imenovati svoje osoblje na teritoriji Bosne i Hercegovine.

Udruženje može osnovati svoju kancelariju i imenovati svoje osoblje izvan teritorije Bosne i Hercegovine, u skladu sa Zakonom.

Odluka o osnivanju kancelarije je nadležnost Izvršnog Direktora nakon usvajanja na Skupštini.

4. OBAVEZE

Član 5.

Što se tiče pravnih obaveza poduzetih od strane Udruženja i za Udruženje, Udruženje je odgovorno sa svim svojim sredstvima.

5. ČLANSTVO, PRAVA I OBAVEZE ČLANOVA

Član 6.

Član Udruženja može postati svako fizičko i pravno lice koje prihvata ciljeve i Statut Udruženja u skladu sa zakonom. Odluke o prijemu i isključenju članova donosi Skupština Udruženja.

Članstvo se verificira odlukom Skupštine, i opciono, potpisivanjem članske karte i prijemom članarine.

Iznos članarine utvrđuje Skupština Udruženja.

Članovi mogu biti isključeni iz članstva Udruženja u slučaju njihove neaktivnosti ili djela koje nije u skladu sa Statutom.

Članovi mogu samostalno istupiti iz Udruženja o čemu moraju pismeno obavijestiti Skupštinu Udruženja.

Članovi Udruženja imaju sljedeća prava:

- Da učestvuju u realizaciji ciljeva Udruženja;
- Da biraju i da budu odabrani u tijela Udruženja;
- Da učestvuju u radu tijela koja donose odluke Udruženja;
- Da podnose prijedloge i inicijative;
- Da na vrijeme i u potpunosti budu obavješteni o aktivnostima Udruženja;

Članovi udruženja su odgovorni za sljedeće:

- Da aktivno učestvuju u realizaciji ciljeva postavljenih od strane Udruženja;
- Da učestvuju u aktivnostima Udruženja u skladu sa svojim sposobnostima i ličnim interesima;
- Da redovno plaća članarinu;
- Da ispunjava ostale obaveze koje mu povjerava Udruženje.

Član 7.

Radi lakšeg ostvarenja svojih ciljeva Udruženje može sklapati sporazume sa partnerskim organizacijama u daljnjem tekstu (Partneri).

Partneri mogu biti sva pravna i fizička lica kao i organizacije kao što su vladina tijela i vladine institucije.

Odluku o uspostavljanju partnerskog odnosa sa nekom organizacijom donosi Upravni odbor Udruženja.

6. TIJELA UDRUŽENJA

Član 8.

Organizacijska struktura Udruženja se bazira na sljedećim tijelima:

- Skupština
- Upravni Odbor
- Izvršni Direktor
- Sekretar

7. SKUPŠTINA

Član 9.

Skupština uključuje sve članove Udruženja.

Skupština će se sastajati najmanje jednom godišnje, s tim da je izborna Skupština svake četvrte (4.) godine.

Specijalna/izvanredna sjednica Skupštine može biti dogovorena po osnovu argumentiranog zahtjeva upućenog od strane predsjednika Skupštine, Upravnog Odbora ili Izvršnog Direktora, kao i po osnovu pismene inicijative koja potiče od jedne trećine (1/3) članova.

Za izmjenu i dopunu Statuta Udruženja neophodno je da za odluku glasa dvotrećinska većina članova Udruženja.

Član 10.

Skupština je nadležna da izvršava sljedeće dužnosti:

- Usvajanje godišnjeg plana aktivnosti Udruženja, plan bužeta i program;
- Usvajanje Statuta Udruženja, njegovih amandmana i aneksa, te drugih akata određenih Statutom;
- Davanje saglasnosti na pravne radnje poduzete u postupku osnivanja Udruženja;
- Razmatranje i usvajanje izvještaja o aktivnostima Udruženja jednom godišnje;
- Usvajanje godišnjeg finansijskog izvještaja Udruženja;
- Usvajanje finansijskih i upravljačkih odredbi Udruženja;
- Donošenje odluke o visini članarine;
- Donošenje odluke o prijemu i isključivanju članova Udruženja;
- Donošenje odluke o raspoloživosti finansijskih sredstava i njihovom korištenju u skladu sa zakonom i ostalim generalnim odredbama Udruženja;
- Imenovanje i opoziv članova Upravnog Odbora;
- Imenovanje i opoziv predsjednika Upravnog odbora;
- Imenovanje i opoziv predsjednika Skupštine;

- Donošenje odluke o ukidanju Udruženja i o načinu korištenja finansijskih sredstava nakon ukidanja Udruženja;
- Izvršavanje ostalih aktivnosti u skladu sa zakonom, Statutom i ostalim generalnim odredbama;
- Imenovanje Izvršnog Direktora;
- Imenovanje sekretara/tajnika Udruženja;
- Odlučivanje o drugim statusnim promjenama udruženja;
- Odlučivanje o svim pitanjima koja nisu u nadležnosti drugog organa.

Član 11.

Predsjednika Skupštine odabiru članovi Skupštine na period od četiri (4) godine sa mogućnošću da bude ponovno odabran za istu poziciju.

Predsjednik Skupštine je nadležan da izvršava sljedeće dužnosti:

- Priprema, zakazuje i vodi sjednice Skupštine;
- Potpisuje odluke i zaključke Skupštine Udruženja.

8. UPRAVNI ODBOR

Član 12.

Upravni Odbor je organ koji prati aktuelno izvršavanje aktivnosti u skladu sa ciljevima koji su određeni ovim Statutom kao i ostale odluke Skupštine.

Upravni Odbor se sastoji od tri (3) člana, koje odabire i opoziva Skupština.

Članovi Upravnog odbora se biraju na period od četiri (4) godine nakon čega ponovo mogu biti izabrani na istu poziciju.

Sjednice Upravnog odbora priprema, zakazuje i njima predsjedava predsjednik.

Odluke se donose većinom glasova članova Upravnog Odbora.

Sjednice Upravnog odbora će se održavati najmanje jednom godišnje.

Član 13.

Upravni Odbor:

- Prati upravljanje Udruženjem u periodu između dvije sjednice Skupštine u svrhu ispunjavanja ciljeva Udruženja;
- Izvještava Skupštinu o svim eventualnim nepravilnostima;

- Dodjeljuje zadatke članovima;
- Prati pitanja finansija u skladu sa odlukom Skupštine i finansijskim planom;
- Priprema izvještaj o aktivnostima i finansijski izvještaj zajedno sa Izvršnim direktorom i dostavlja ih na usvajanje Skupštini;
- Odlučuje o pokretanju procedure za donošenje izmjena i dopuna Statuta, amandmana i aneksa Statuta, na osnovu vlastite inicijative ili na osnovu sugestije od, barem, pet (5) članova Udruženja;
- Priprema prijedloge i predlaže nacrt izmjena i dopuna Statuta, amandmana i aneksa, te drugih akata koje donosi Skupština i dostavlja ih Skupštini na usvajanje;
- Odlučuje o prijemu članova u periodu između dvije Skupštine;
- Sklapa sporazume sa partnerskim organizacijama;
- Priprema sjednice Skupštine;
- Provodi politiku, zaključke i druge odluke koje je donijela Skupština;
- Upravlja imovinom udruženja;
- Podnosi godišnje ili periodične izvještaje o svom radu Skupštini na usvajanje;

9. IZVRŠNI DIREKTOR

Član 14.

Izvršnog Direktora imenuje Skupština odlukom većine, na period od četiri (4) godine, sa mogućnošću ponovnog izbora.

Član 15.

Izvršni Direktor:

- Organizuje i upravlja aktivnostima Udruženja;
- Organizuje i koordinira aktivnosti tijela Udruženja;
- Zajedno sa Upravnim Odborom priprema izvještaj o aktivnostima i finansijski izvještaj i dostavlja ga Skupštini na usvajanje;
- Tijelima Udruženja predlaže odluke bitne za funkcionisanje Udruženja;
- Izvršava neophodne finansijske dužnosti vezane da fondove Udruženja u skladu sa odlukom Skupštine te sa finansijskim i upravnim odredbama Udruženja;
- Imenuje koordinate Udruženja za određene projekte i aktivnosti;
- Izvršava ostale dužnosti po nalogu Skupštine i Upravnog odbora Udruženja;
- Zastupa i predstavlja Udruženje u pravnom i platnom prometu.

10. SEKRETAR/TAJNIK

Član 16.

Sekretara/Tajnika bira Skupština, iz reda svojih članova, na period od četiri (4) godine, sa mogućnošću ponovnog izbora.

Sekretar/Tajnik asistira Izvršnom direktoru pri izvršenju odluka, programa, planova, smjernica i zaključaka Udruženja, te obavlja ostale povjerene mu poslove, posebno u vezi sa radom i sjednicama tijela Udruženja.

12. TRANSPARENTNOST

Član 17.

Funkcionisanje Udruženja je transparentno.

Izvršni Direktor je odgovoran za transparentno funkcionisanje Udruženja.

Transparentnost se postiže internim informisanjem u Udruženju ili putem medija.

13. SARADNJA SA DRUGIM ORGANIZACIJAMA

Član 18.

U svrhu postizanja svojih ciljeva, Udruženje može saradivati sa drugim profesionalnim, edukativnim ili kulturalnim organizacijama ili udruženjima, vladinim institucijama u zemlji ili inozemstvu.

Udruženje može pristupiti međunarodnim udruženjima u skladu sa Statutom Udruženja i zakonom.

Pristup međunarodnim organizacijama mora biti registrovan kod ovlaštene državne institucije sa utvrđenim periodom članstva.

Odluku o pristupanju u članstvo međunarodne organizacije donosi Skupština Udruženja.

Član 19.

Udruženje može radi ostvarivanja svojih statutarnih ciljeva i djelatnosti osnivati subjekte za privrednu i drugu djelatnost pod uvjetima utvrđenim zakonom i statutom udruženja.

Udruženje može obavljati nesrodne privredne djelatnosti (privredne djelatnosti koje nisu neposredno povezane s ostvarivanjem osnovnih statutarnih ciljeva udruženja) samo preko posebno osnovanog pravnog lica.

Dobit koju udruženje ostvari iz nesrodnih privrednih djelatnosti može se upotrijebiti samo za ostvarivanje ciljeva koji se utvrde statutom.

Nije dopušteno direktno ili indirektno sticanje dobiti ili druge materijalne koristi ostvarene iz djelatnosti udruženja: osnivačima, članovima udruženja, članovima upravljačkih tijela, odgovornim licima, djelatnicima ili donatorima.

Ograničenje iz stava 4. ovog člana ne odnosi se na naknade za rad ili nadoknade troškova tim licima u vezi s ostvarivanjem zakonitih ciljeva i aktivnosti utvrđenih statutom udruženja ili fondacije.

Ograničenja iz ovog člana neće uticati na imovinu udruženja iz člana 38. Zakona o udruženjima i fondacijama (Službene novine Federacije Bosne i Hercegovine, br. 45/02 od 20. septembra/rujna 2002. godine):

- članarine, kada je u pitanju udruženje;
- dobrovoljne priloge i poklone fizičkih i pravnih lica;
- sredstva dodjeljenja iz budžeta;

- prihode od kamata, dividendi, dobiti od kapitala, zakupnina, honorara i sličnih izvora pasivnih prihoda;
- prihode stečene obavljanjem privredne djelatnosti;
- druge prihode stečeni u skladu sa Zakonom i Statutom.

Član 20.

Član organa Udruženja ne može glasati o imovinskim pitanjima u kojima se on, njegov bračni drug ili njegov srodnik do trećeg stepena pojavljuje kao zainteresirano lice.

Član organa Udruženja nema pravo glasa u organima Udruženja u vrijeme dok obavlja bilo kakvu plaćenu djelatnost za Udruženje.

Članovi organa Udruženja dužni su osigurati da se svi pravni poslovi udruženja ili fondacije zaključuju po tržišnoj vrijednosti, ili po uslovima koji su povoljniji za udruženje.

14. FONDOVI I FINANSIRANJE UDRUŽENJA

Član 21.

Kako bi se ostvarili ciljevi, Udruženje pribavlja neophodna finansijska sredstva u skladu sa ovim Statutom i zakonom.

Udruženje se finansira iz sljedećih izvora:

- članarine i dobrovoljnih priloga;
- donacija, sponzorstva i poklona koje daju pojedinci i organizacije;
- fondova iz budžeta državnih institucija, međunarodnih organizacija i fondacija namjenjenih za finansiranje različitih projekata;
- ostalih fondova dobivenih u skladu sa zakonom.

Član 22.

Prihodi i troškovi Udruženja se određuju prema vrstama i dodjeljuju prema namjeni i u skladu sa godišnjim programom i planom aktivnosti Udruženja.

Materijalne i finansijske operacije se provode u skladu sa važećim zakonskim propisima.

Ovlaštena tijela Udruženja su odgovorna za zakonsko korištenje fondova Udruženja.

15. PRESTANAK RADA UDRUŽENJA

Član 23.

Odluku o prestanku rada Udruženja donosi Skupština Udruženja dvotrećinskom (2/3) većinom glasova članova Udruženja.

Odluka o ukidanju Udruženja mora sadržavati i odluku o preostaloj imovini Udruženja.

16. PRELAZNE I ZAVRŠNE ODREDBE

Član 24.

Ovaj Statut (prečišćeni tekst) stupa na snagu danom njegovog usvajanja na Skupštini Udruženja, a predhodni Statut Udruženja usvojen 27.04.2017. stavlja se van snage.

Mostar, 02. 06. 2021. godine.

Broj:



Predsjednik Skupštine Udruženja


Elvir Đuliman

OVJERAVA:

Bosna i Hercegovina
Federacija Bosne i Hercegovine
HERCEGOVAČKO-NERETVANSKA ZUPANIJA
HERCEGOVAČKO-NERETVANSKI KANTON
MINISTARSTVO PRAVOSUDA, UPRAVE I LOKALNE SAMOUPRAVE

Broj: 03-04-UP1-288/21

Mostar: 15.09.2021.

Potpis: 



OVJERAVA:

Bosna i Hercegovina
Federacija Bosne i Hercegovine
HERCEGOVAČKO-NERETVANSKA ZUPANIJA
HERCEGOVAČKO-NERETVANSKI KANTON
MINISTARSTVO PRAVOSUDA, UPRAVE I LOKALNE SAMOUPRAVE

Broj: R-286/05

Mostar: 15.09.2021.

Potpis: 